

SARRERA

Sarrera honetan, gure proiektuaren ikuspegi orokorra egin nahi dugu. Lerro hauetan, sortu eta garatu bitartean aukeratu ditugun bideen berri emango dugu.

Enpresaren hautaketari aurre egitea izan zen lehenengo erabaki garrantzitsua. Gaur egungo egoera dela eta, Covid-19 eta pandemia horrek sortzen dituen arazoak direla eta, batez ere adineko pertsonengan, zerbitzu-enpresa bat sortzea erabaki genuen, eta, zehazki, etxe edo ospitaleetan hirugarren adineko pertsoneri laguntzeko eta haiek zaintzeko enpresa bat sortzea erabaki genuen.

Aztertzen ari garen sektorean sakonduz, konturatu ginen enpresa bera beste enpresa batzuk baino errazago sor zitekeela gastu ekonomikoari dagokionez, ez genuelako inbertsio ekonomiko handiegirik egin behar. Hala ere, enpresa-ekintza orok bezala, konpondu beharreko arazo nagusi bat aurkitzen dugu: "Gure zerbitzuaren antolaketa". Arazo hori eta horren ondorioz sor daitezkeen beste arazo batzuk konpontzeko, merkatu-azterketa egin dugu, bezero potentzialak eta abar egiaztatuz.

Hasiera-hasieratik, kontuan izan genuen gure zerbitzua erdigunean kokatuta egongo zela, eta, lehenik eta behin, inguruko eremuak hartuko zituela, eta pixkanaka, urteetan zehar, hiri osoan hedatuz joango zela, hobekuntzak egiteko inbertsioak eginez, hala nola garraio-elementuak, fisioterapia-zerbitzuak, eta, jakina, sustapen- eta publizitate-ahaleginak eginez, merkatuko parte-hartzea egunetik egunera handitzeko.

Hona hemen gure ikerketaren azken emaitza eta enpresa-proiektuaren azterketa.